


觀鏡洞藁

三十一三



漢書門類			
一〇	四七	四	號
二	五	六	函
〇	架	架	冊

內閣文庫			
三	一〇	一	漢
七	四	二	書
函	門	架	類
一	七	冊	
架	四	架	

內閣文庫			
番號	漢	10474	
冊數	20 ( 13 )		
函號	317	80	



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



Kodak, 2007 TM: Kodak





觀顰洞藻卷之三十一

武昌吳國倫著

始安張鳴鳳校

七言絕句一百二十七首

淺草文庫

春江詞八首

樓頭小婦拭春衣  
昨日看花今日稀  
暮雨偏深碧草色  
東風不送王孫歸

其二

繁花幾樹傍江潯  
蕩槳回看似錦林  
片片落浮江面去  
枝頭誰見可憐心

其三

雁雁同聲

卷之三十一

晏



唐垂江漢  
卷之三十一  
折柳溪頭聞杜鵑  
灌花臺上望歸船  
不爭十日花禁  
老奈可三春柳未眠

其四

春江浪高高壓山  
蛟龍日夜吼江關  
獨有涉江人不  
畏峭帆東去又西還

其五

今春江色勝前春  
桃李花時作意新  
落盡未歸遊冶  
子看來愁殺浣紗人

其六

朝朝暮暮漢江頭  
雨雨風風殊未休  
多少春情寄江

浪舳艫衙尾下揚州

其七

牽江遊綵何大長  
隔浦落絮斷人腸  
鷓鴣啼雨出松  
塢燕子銜春巢杏梁

其八

白雪團爲柳絮飄  
黃雲散作麥花搖  
不知鏡裏容華  
歇日倚江門望洛橋

明妃曲六首

奉詔平明出漢宮  
鸞車萬里獨和戎  
君王一顧恩多  
少只是紅顏負畫工



其二

漢家百萬羽林師遣妾和親妾未知縱使單于遵漢約玉容難比入宮時

其三

五彩織綵耀日光入宮曾刺五雲裳一朝篋笥無顏色恥向旃裘理故妝

其四

西風攬鏡獨含悲尚憶宮門望幸時幾日邊塵吹滿面不教胡女妬蛾眉

其五

玉關西去馬長鳴不獨琵琶作苦聲最恨胡兒誇往事漢家曾困白登城

其六

胡風吹雪暗陰山馬上驚逢漢使還為報君王休北顧木宮猶自有紅顏

送元美使淮便過吳中四首

翩翩征蓋出皇都駐馬重傾白玉壺其道相如能使蜀誰知張翰復歸吳

其二

天際孤帆截海過三江雲樹隔煙波廣陵明月誰同



醉定倚高樓一放歌

其三

洞庭橘柚富千頭江上鱸魚及早秋試上蘇臺望震澤樓船還似昔人遊

其四

吳下風流本自多蓮塘桂楫戲清波風前孺子滄浪曲月下佳人白苧歌

九日同于鱗子與賦

秋深木落鴈南飛客裏風霜又授衣燕市酒酣聊共賦龍山家在未能歸

送子相移疾歸廣陵二首

淮南落日半江明江上寒潮萬里生遙夜懷人意何恨一帆秋雨傍蕪城

其二

少年結客重燕京別去猶牽萬里情寶劍銀鞍生俠氣胡笳羌笛動邊聲

送李師孟僉憲分巡浙江二首

萬里秋風動薊門酒酣君往獨銷魂江南萬戶今流血諸道衣冠總漢恩

其二



武林城郭海雲蟠曾上江樓倚醉看一片潮來天地  
白何人知是到歌寒

送千麟還郡二首

千門楊柳暗燕關不繫邢州五馬還寂寞孤城君更  
臥白雲愁殺太行山

其二

東風片片下榆錢立馬看春倍可憐君去不堪仍北  
望故人零落薊門天

太白樓二首同惟敬子與賦

城上高樓入遠天黃河萬樹起秋煙我來醉枕東山

臥未問當時有謫仙

其二

遷客登樓思轉濃故人攜手白雲從樽前不醉任城  
月海上虛來日觀峯

戲馬臺

江頭戲馬築高臺玉勒金鞭雲錦迴荒艸似憐騅不  
逝至今猶使客心哀

雲龍山

雲龍山閣俯彭城醉裏聞歌激楚聲霸業已隨陵谷  
易黃河不盡古今情



子房墓

留城只在黃山北，孤塚離離夕照間。一自赤松辭帝子，泗流東去不曾還。

亞夫墓

鴻門玉玦豈全非，西楚山川王氣微。遺恨城南骨已朽，不知垓下漢兵圍。

灤上六首

雲母山前王氣濃，灤梁飛沫濺諸峯。風雲不散旌旗影，猶似高皇駐六龍。

其二

三牛城北是淮河西，望塗山紫氣多。殘堞已非湯沐邑，故宮猶想大風歌。

其三

揚州四月羽書飛，十萬淮兵戰不歸。幾日江風飄白骨，那知少婦理征衣。

其四

夫去防河役未停，阿儂亦作守陵丁。不愁薄命填溝壑，只恐烽煙迫帝靈。

其五

樓船使者復南征，六月淮陽未問耕。羣盜不驚烽火



色居人翻畏棹歌聲

其六

江洎父老莫沾巾此日轅門將令新但使羣雄歸鼎  
俎不妨諸將畫麒麟

月夜

月白霜寒天欲流關山此夜不勝秋豐城劍氣應寥  
落虛遣張華問斗牛

酬周伯

宮亭湖上轟芙蓉雪後還登五老峯只怪落星寒自  
動故人遙夜倚雙龍

答樹德

江上何人憶謫居鴈過彭蠡數行書可憐澤畔千秋  
淚化作浮雲滿大虛

答用晦

匡山一臥萬峯低吳楚乾坤望欲迷五老白雲堪贈  
汝天風吹入大江西

答用賓

憶在名園秉燭遊嬌歌艷舞不知秋于今只隔章江  
水風雨淒其湖上樓

答宋良



何人吹笛楚江灣，楚客天涯逐未還。隔水畏聞楊柳曲，梅花一夜滿西山。

醉石

何人枕石臥廬山，一醉聲名宇宙間。石上白雲今不散，知君元是獨醒還。

文殊堂

春來騎鹿遍諸峯，貝闕金乘此乍逢。為問何人開福地，文殊手植千株松。

凌虛閣與桑侍御小飲

廿年聞爾為遷客，今日予遷爾未還。茲地相逢如不

醉何須江上有廬山

贈賓陽道人

道人手持玉如意，朝騎白鹿廬山巔。石上逢予但一笑，千峯鬱鬱回蒼煙。

左別駕攜酒後至

山形突兀楚天低，樹影參差客逕迷。興發正愁壺易竭，那知猶有故人攜。

聞子相由選部出參閩省遙寄二首

馮唐老去未堪憐，屈指為郎漫十年。自是承明能厭汝，白雲惆悵七閩天。



其二

匡廬峯色斗牛間，騎鹿尋僊尚未還。  
一望甌閩雲物變，定知君到武夷山。

卓劔池

壽柏亭西卓劔池，僊人曾此斷蛟螭。  
至今牛斗沈無色，卽有張華恐未知。

東鄒文學

春來不見鄒文學，醉臥還當第幾峯。  
欲遣白衣相問訊，却愁風雨暗芙蓉。

酬劉使君

慙將短髮問流年，嬾拙猶逢長吏憐。  
酒罷忽聞雙玉笛，魚龍日暮吼江煙。

送王將軍赴閩二首

征旗獵獵馬如龍，萬里閩天瘴霧重。  
但使明珠全入貢，何妨勒石武夷峯。

其二

閩中一夜羽書傳，萬戶蕭條入燧煙。  
解贈故人何所有，匣中風雨鬪龍泉。

奉題

弋陽王

敕賜書院

平臺礪石未須攀，邸第新成霄漢間。  
自君恩來



北極常令春色駐西山

五老峯

諸峯歷歷黨青霄五老雲深不可招欲跨峯前九色鹿直從天路坐吹簫

鐵船峯

天風吹席挂廬峯棹鼓無聲雲漢重一自鐵船飛不去至今山澤吼雙龍

香爐峯

山煙細細鬱林端散入春陰楚甸寒我欲峯頭瞻北極香爐不似殿中看

石鏡峯

萬仞峯頭石鏡懸平臨日月倒垂天滄江夜色寒相照下有驪龍不敢眠

紫霄峯

紫氣峻嶒碧漢斜好憑飛杖立煙霞臨風一夜吹長笛落盡江南楊柳花

雙劍峯

南斗雙芒削大空萬山秋色鬪雌雄誰應把向天河淬坐使妖氛淨域中

上霄峯



上霄峯影踏吳天石匣丹書總未傳巖下久無封禪  
使老人常枕白雲眠

擲筆峯

慧遠風流天下聞經成擲筆墮青雲我來跌坐千松  
頂指點潯陽九派分

鶴鳴峯

鶴鳴峯下讀書臺樹杪雙飛瀑布來峯際白雲千古  
色昔人乘鶴幾時回

大林峯

匡廬山北大林峯萬仞懸泉百尺松只怪升梯行不

盡諸天天外更聞鐘

章城寒食懷劉使君

逢君斗酒自爲懽何事春花異地看曲水蘭亭今寂  
寞誰從寒食慰加餐

白鹿洞中間李實夫遊天池寄此

爾過東林問虎谿天池猶在石梁西登高不恐山靈  
妬爲叱風雲護舊題

九月十四夜劉使君見過

署閣黃花晚自開萬山明月逐君來吳兒莫唱江南  
曲恐起當年庾信哀



懷于鱗

渭水秦關天上迴使君持節馭風雷不妨萬里無書  
寄紫氣常從西極來

懷元美

六月提兵大海東書生亦作萬夫雄匣中雙劍無顏  
色倒吸天河吐白虹

懷子相

九曲溪流繞幔亭峯前海色晝冥冥故人無限中原  
思撫劍歌來祇自聽

懷子與

風塵策馬路俱迷爾得汀江似武溪花落案頭無一  
事尋仙時過玉華西

寄俞仲蔚

月上姑蘇江水青聞歌江上白雲停醉來莫傍漁磯  
臥恐有臺官問客星

寄謝茂秦

嗟君懷璧有誰知趙氏連城亦自疑儘道魯連天下  
士不聞東海蹈何時

寄魏順甫

翩翩黃鵠薊門翔顧侶蕭條轉自傷燕雀不須驕羽



卷之三十一  
十三  
翼南冥萬里意茫茫

寄李伯承

別來詩句滿青雲  
玉露先從狄掌分  
巖穴故人相問訊  
平津何客更如君

寄余德甫

吳鈞炯炯燭秋旻  
尚憶綢繆贈所親  
但使當時顏色在  
不妨妻子日嗔貧

寄高伯宗

華陽館前荆棘生  
燕京上客自時名  
憐君短髮棲郎署  
猶向人歌白雪聲

寄張甫甫

燕京一逐酒人遊  
意氣偏能隘九州  
歸蜀何須難父老  
錦江巫峽爲君愁

寄汪正叔

水部風流自昔時  
燕山易水坐論詩  
榻來萬里傳雙淚  
不獨江湖有所思

章江舟夜

砧杵迎寒動楚天  
章門萬戶落嬋娟  
開樽欲醉西山色  
鴻鴈一聲江可憐

留別三子四首



唐詩淵源 卷之三十一  
章門春雨返行舟莫向樽前問去留一夜愁人芳草色直隨遷客過江州

其二

曲池臺榭枕龍沙幾度披衣醉物華別後芙蓉秋色裏可能卮酒憶天涯

其三

江雨冥冥江樹蒼片帆三月度瀟湘吾將逝矣桃花水爾莫題書寄夜郎

其四

南浦魂銷未別時滄浪聞笛是相思曲中楊柳如堪

讀 急按續當作

折不向秋風續楚詞

潯陽別南康彭淵諸生

九派長江九疊山白雲西送楚臣還諸生自可同陳蔡敢謂滔滔世路艱

龍江別潯陽湖口諸生

湓浦風高巨浪橫片帆西指鄂王城別來莫作三鱸頌我欲還山學耦耕

酬張文學送菊

彭澤歸來逕欲荒病懷蕭瑟度重陽那知藜菊移仙署忽使秋容豔草堂



寄懷于鱗四首

聞道齋中老伏生，遠攜妻子歷山耕。  
漢家若有傳書詔，使者何從問姓名。

其二

自爾辭官入岱宗，人間不敢羨登龍。  
浮雲忽起中原思，棄杖高眠第幾峯。

其三

海上春風飛騎來，百年心事數行裁。  
至今雲氣生懷袖，握管應知五色開。

其四

客星一夜散華陽，多難王生何處鄉。  
却怪吾徒疎劍術，不如諸俠少年場。

寄訊王元美五首

聞君倉卒解兵符，北走幽燕東入吳。  
稅駕不知何處所，天門一夜白雲孤。

其二

江門灑淚問王郎，六月寒濤白似霜。  
可有黃金投俠窟，從他赤眼向詞場。

其三

論交原自古，人情多難相看白髮生。  
一劍恩讎渾未



報匣中虛使百靈驚

其四

玉門相望黑山戎百戰誰論主帥功此日中原無射  
獵王孫那得怨藏弓

其五

一死何辭叫帝闈汝家三世沐深恩男兒不學  
公女日月終應照覆盆

項羽祠

失道陰陵氣已摧漢兵一合楚雲哀虞姬亦是銜恩  
死不為君王結草來

逍遙臺

逍遙臺上雨初收風起濠州二月秋日暮空城山色  
滿白雲如水隔衣流

夢蝶卷

曲陽城頭花未開漆園夢裏蝶飛來年年蝶為春花  
老千古莊生夢不回

觀魚臺

魚躍濠梁去復還乾坤無意水雲閒莊生自信知魚  
樂何用南華著世間

垂花塢

應按卷當作  
卷



雙樹藤花飛不起，婆娑石塢山門裏。東風吹花花奈何，片片化爲桐柏水。

渡汶河

誰言汶水不朝東，劃地分流九道通。試問天朝飛輓計，何殊神禹鑿山功。

汶上道中寄于鱗

幾日東山望未真，只驅羸馬向風塵。誰將馬上春雲色，一寄山中抱膝人。

高唐訪友人王塔

沙草萋萋鳴犢河，高唐非復夢中過。君今物外愁何

事，學得縣駒不肯歌。

花朝飲李子中宅

琥珀波搖金屈卮，平臺風日醉堪持。西來無數嵩雲落，合是三花欲雨時。

其二

陌上垂楊青可憐，城頭飛雨澹如煙。誰嗔二月花開晚，只怪吾曹醉不先。

歸德署中對牡丹四首

移得名花爛熳開，小亭無客自銜杯。醒時卽恐花相笑，誰見紅顏去復來。



其二

十日東風香欲闌，洛城春色病中看。莫教移植平章宅，皓齒纖腰總未安。

其三

誰將花貌比傾城，世上虛傳富貴名。露蕊煙梢清署裏，向人無語獨含情。

其四

三月羣芳汝亦芳，憑誰呼取百花王。開來不著人間色，落去猶聞天上香。

送胡才伯赴陝西二首

梁園三月花如綺，花外車塵蔽天起。莫教絲竹發秦聲，明日看花人萬里。

其二

秦城四塞臨渭水，仙掌靈臺碧空倚。一片嵩雲逐君去，何人不道函關紫。

戲簡魏文啓二首

客子遊梁正倦時，鄉心猶恨鴈歸遲。倚閭白髮遙相憶，窺戶紅顏總不知。

其二

梁苑誰家花滿庭，南州豪士眼殊青。秋風落葉遍江



路豈是高唐夢未醒

奉送少司馬蔡公赴京營四首

五彩牙幢度鄴臺軍符直向五雲開天京不近烽煙色樞府今登將相才

其二

笳鼓喧喧出豫州吹臺曾擬望京樓河邊父老看旌節只道黃河不北流

其三

天王按劍大明宮南走山夷西破戎帷幄坐論司馬法非君誰得賜彤弓

其四

長安節俠羽林郎日擁琯戈扈建章天上風雲清警蹕不妨休馬華山陽

子與助甫送予城南三十里風雨驟至與馬不

前酤酒田家酣而達曙各賦二絕作跳笑云

八月歸人興欲狂與君騎馬出斜陽張燈索取村中酒醉殺風雷夜未央

其二

風雨城南萬木秋不辭今夕爲君留凌晨策馬去何意赤日黃雲處處愁



渡江寄子與

梁王賓客散平臺回首中原事事哀八月漢江濤似雪分明司馬賦中來

崇安得余德甫憲使訊書奉酬二首

逐客行歌入武夷濛濛雨色萬峯垂故人何自聞消息尺素先從海上移

其二

九曲溪頭信使來腸如九曲為君迴若非一笑清蠻瘴那得三山佐酒杯憲使新破島寇遂期予為三山之遊故云

輓柔仲明

仲明黃岡人為延平丞署守甯陽遇倭寇陷城死之

閩海愁雲黯不飛莆中萬事已全非丹心一逐旄頭落白骨甘從馬革歸

其二

劍化延津君不知海天雷雨赤龍馳我來更叱龍為劍挂向荆林第幾枝

其二

寫谷一見



東宮得余德南定使詔書奉酬二首  
送客入武火家歲雨色高  
人何自問道

險卦向林深幾林

險卦向林深幾林  
險卦向林深幾林  
險卦向林深幾林

其二  
使來賜如九曲為君迴若非一失

蒼白骨甘於濕革

聞底愁雲濕不飛  
雷中萬事已全非  
此心一淚試

龍瓶洞藻卷之三十二

武昌吳國倫著

始安張鳴鳳校  
新安方尚贊

七言絕句一百二十八首

元夕林中丞枉過郡齋翫燈四首

春鴻海上捷書來  
夜雪樽前柏酒開  
莫道裝燈無七

寶醉中看似浦珠迴

其二

萬井花明火樹枝  
昭陽太守燕歌時  
夜深簫鼓殷殷

發猶憶追從木乙祠

其三



海畔鰲峯削漢標，斗間龍氣燭星橋。時平上客能留  
醉，誰謂千金直此宵。

其四

百輪燈火照孤城，城上千峯徹夜明。無數春星垂戶  
牖，不將牛斗問君平。

答于鱗見寄二首

楚客高齋面武夷，卧遊虛與列仙期。故人一紙丹霞  
色，遙自天門寄所思。

其二

海鴈將書到七閩，白雲應笑未歸人。鹿門好是躬耕

處，那得狂夫肯厭貧。

入計將出杉關，顧季狂追至因攜由豫章入楚。

分韻各賦四首

遨遊幾日醉三山，一夜扁舟劍浦還。不必郡齋留下

榻，後車相從出閩關。得山字

其二

病後驅馳倦不禁，長途須汝日論心。經過半是重遊  
地，何處雲將五老深。得深字

其三

松菊蕭條一逕斜，兒童雞黍爲君譁。辟疆千畝琅玕



簾垂深幕  
色曾照延陵季子家 得斜字

其四

十日開樽楚水頭何曾風景異吳州  
酬來一吐胸中盡不願人間萬戶侯 得侯字

爲用明府題仕女鞦韆圖二首

綽約春雲結舞衣彩繩飄忽豔晴暉  
輕塵不逐迴風舉絕似霓裳掌上飛

其二

素腕纖腰赤玉竿三春飛雪百花寒  
公嫣然一笑雲中下多少名姝攘袖看

夜抵汝南憶子與使君二首

汝南太守謫仙才留客清樽十日開  
此夜驅車深雪裏郡人猶擬和歌來

其二

數奇寧可失封侯那得徐郎曲似鉤  
不見城頭桐柏水至今難挽向西流

過鄴訪茂秦不值留寄二首

鄴城臺榭起雲霄汝曳長裾何處驕  
聞道主君曾賜妓莫乘明月和吹簫

其二



當年賜宴九華宮，詞賦誇君老自工。此日王門賓客散，誰如銅雀怨秋風。

雪次邢州憶于鱗使君二首

九華宮北峙邢臺，楚客雙轡擁雪來。欲問故人懸榻處，短檠殘角夜徘徊。

其二

十年揮手去人間，日觀天門醉不還。此地只餘歌後雪，乘風飛作太行山。

過趙州憶許殿卿二首

郡閣高臨漢將臺，何人攜手放歌回。臺邊一線漳沱水，猶似泱泱東海來。

水猶似泱泱東海來

其二

趙地逢君漫十年，漢家詞客半南遷。若非太傅長沙去，那得新書海內傳。

酬歐楨伯

相逢立馬薊城隅，短褐風塵色自殊。只道燕臺金易盡，誰知南海貢明珠。

贈薛子熙二首

子熙遊於杜青州遂得過歷下謁于鱗

有客遨遊海岱間，自言能御李君還。攜來一片東峯



色猶似龍門不可攀

其二

爾傍青州杜使君  
琅邪高館日論文  
愁他醉裏南州榻  
化作峯前北海雲

贈青州杜使君子睿二首

北海城依島嶼開  
琅邪天畔出層臺  
誰言漢吏分符處  
不比周王賜履來

其二

客滿長筵酒不空  
海人能說大兒雄  
何如此日青州牧  
餘樂高堂禮蓋公

途中寒食

故園花發遠堪憐  
日日江雲馬上懸  
非為食寒猶問酒  
不甘春色老行邊

麻城逢貢文學有感

予與文學蓋自江州別也

老大無聞每自憐  
路岐南北倦風煙  
那知山縣逢君日  
又似江州送客年

渡江入武昌二首

桃花碧遶橫江館  
楊柳青搖鄂縣城  
楚客歸心帆外度  
不知春色故盈盈

其二



詹郵清書 卷之三 五  
滄江兩岸百花开，照水分明五色裁。  
萬里人歸花未落，扁舟如坐錦雲來。

渡黃河有感寄李參議師孟

問渡中原感舊遊，美人相望渺河洲。  
長年亦解嘲羈旅，那得身如不繫舟。

還郡得元美見寄答之四首

計吏新從漢苑回，振衣重上越王臺。  
虛疑海色寒相射，一片吳雲捲雪來。

其二

散髮悲歌淚未乾，布衣疏食古今看。  
九苞鳳下詞人

筆二足烏樓孝子冠

其三

七首昂藏風雨驚，十年薪膽一時平。  
霍家此日無噍類，地下應知戴聖明。

其四

聞君忽悟大明光，轉法親逢十六王。  
手握尼珠駕鸚鵡，問予何事獨迷方。

得敬美書卻寄二首

姑蘇臺倚白陽高，萬里雲霞望海勞。  
道有伏龍君不信，雙珠夜夜吐胥濤。



其二

懸車一臥海雲間，兩兩吳刀白玉環。多少恩讎銷不盡，尚噓虹氣入燕關。

聞季狂從汪中丞臨戎海上却寄二首

轅門揖客何所長，吻海鯨鯢正陸梁。萬弩射潮天欲赤，却憑詩句敵扶桑。

其二

清秋開府壯臨戎，百粵蠻煙一戰空。妬殺幕中文武士，饒歌偏說布衣雄。

送包護軍赴汪中丞檄召防海二首

六月王師漲海屯，樓船諸帥久承恩。千金一檄飛如電，多少輝光起將門。

其二

中丞臺倚戰雲高，八郡寧辭轉餉勞。君去好將溟渤水，急從蠻服洗腥臊。

送吳士還四明兼有所懷四首

千古男兒七尺身，肯將名姓委風塵。歸歟且結明山臥，但有鶉衣莫說貧。

其二

王家兄弟隱吳山，客擬龍門不可攀。怪道新詩偏贈



卷之三十一  
汝可知溟海抱珠還

其三

汝南太守故多情歸去猶耽好士名不有平原雙璧  
在何人到處識虞卿

其四

舊識包郎與薛郎雙簪彩筆傲扶桑題書欲寄秋雲  
色一夜從君萬里翔

雪中送酒與君敬戲題

閩海風高雪正狂葡萄新酒爲君將無須竊向東鄰  
去只合酣眠小婦傍

與方君敬五首

歸來未穩北山眠一夜兵聲萬事捐鼓笳向人雙淚  
盡餘生那得問桑田

其二

太守單車入郡時故人雙屐避兵馳月分五斗周家  
粟且莫尋山學採芝

其三

鼓角山前白骨高蒲陽萬戶已蓬蒿還家無力鳴刁  
斗望海時時倚佩刀

其四



誰道樵溪讓武溪桃花不落水雲迷三年未問來時  
路日日酣眠石塔西

其五

不關詩癖老來深萬事都歸抱膝吟小婦炊糜君但  
飽海頭兵色故陰陰

酬鄧文學見訪二首

朝來紫氣入閩關何處天風落佩環爲挾麻姑能羽  
翼片雲來徃幔亭山

其二

蘭蘅爲佩雜瓊琚雙鳥名山信所如太守避堂留未

可愿按信疑可作

得當年北海事應虛

過興林寺

谷口溪流抱法臺爲攜風雨叩關來逢僧一飽盃蘭  
飯只乞青蓮手自栽

寄懷周光祿鳴周

紫雲溪上木蘭舟亂後言歸淚未收華屋荆榛誰舊  
主古臺麋鹿好同遊

舟發葦原至水口二首

金鎖江頭春水懸暮雲遙海盡南天孤帆背指三山  
發只似浮槎過日邊



其二  
桃花落盡海門春，煙水茫茫又問津。  
一夜棹歌聲不絕，斷萬山愁殺未歸人。

董生為予傳神

美人來自玉華山，雙管雲霞五色斑。  
貌我不須麟閣上，期君好在鹿門間。

董生自吳中攜所圖元美兄弟及子與影子見示，因成此詩。

各天相望日徘徊，千里圖形海上來。  
却訝故人能縮地，片雲朝暮越王臺。

送江中丞八首

時被謗待調

十年海上一戎衣，百戰親扶禹貢歸。  
即使臥龍今更臥，南人猶自識天威。

其二

自按陰符破綠林，璽書常荷主恩深。  
何須一勺東洋水，更與扶桑洗赤心。

其三

聞海年來已晏如，如何父老泣當車。  
但愁塞外無重譯，不少人間有謗書。

其四



彤弓白簡侍中貂一鎮東南殺氣銷若道明珠克後  
載不知何物壯銅標

其五

四十登壇總大戎帳頭環立萬夫雄親裁露布飛雲  
錦遮莫文光掩戰功

其六

絕域秋風正憶歸天王殊未釋宵衣前旌尚染鯨  
鯢血一夜遙將六傳飛

其七

海上三城一戰收幕中文武憶封侯君看赤舄居東

日四國何言不可流

其八

莫教飛鳥玩良弓猶有丹心貫白虹八郡饒歌聲不  
斷角巾私第亦元功

與薛子熙

脩竹園西一駐鞍黃金臺北更追歡山川託足何時  
遍風雨銜杯此夜寬

贈畫梅者王人佐二首

叢花如雪練如霜郡閣依稀白玉堂應手忽飛紅紫  
出春風不落壽陽妝

卷之三十一  
其六



其二

爛葉橫梢隔絳紗，上妃雙倚翠欄斜。初疑笛裏回三弄，却是毫端散五花。

贈邵夢弼

誰挾三山跨六鼇，扶桑東挂海天高。由來國士逢時晚，自倚長風擊佩刀。

贈林茂才子啓

聞海儒衣百結懸，漢家經術幾人先。毫端自染風雲色，不必吳公薦少年。

寄慰曾十澄將軍三首

時下獄

園扉日落望天關，貫索星回壯士顏。若道金雞難赦死，何如鐵騎不生還。

其二

百戰誰誇馬上郎，一書垂死見鄒陽。如君早佩黃金印，那識幽囚是福堂。

其三

吻海樓船罷戰歸，千金募士已全非。東門黃犬猶堪獵，何用丹心博赭衣。

途中九日二首

九日檐帷海上回，不知藜菊傍誰開。浮雲肯蔽登高



目一片鄉心萬里來

其二

桂樹凋殘菊又花  
秋風歲歲客天涯  
接籬倒著顛毛  
短不是龍山醉孟嘉

許山人乞石竹與之

短竹蕭疎傍玉華  
石盤雲水漾晴沙  
無多秋色山齋  
裏乞與金閨處士家

題李孝甫畫扇

拂手千山落照橫  
挂帆何處水雲輕  
若非張翰乘秋  
去合是王猷載雪行

陸道由使君左遷河東轉運

三謁承明十九年  
與君消息竝風煙  
官同季布分符  
去老及蘇卿仗節還

毘陵陳東父見訪

燕市難逢舊酒人  
看君何自亦風塵  
山來色借山川  
合只似交從杵臼親

贈王朝珍文學二首

燕山高竝郭生臺  
策士如雲奮臂來  
見說千金收駿  
骨不知何價待龍媒

其二



青霞爲佩綠荷衣，八極橫將二鴈飛。欲挽瀟湘雲水色，爲君添入彩毫揮。

題梁少嘉畫杏

文杏花時春已深，淺紅輕碧晝陰陰。虛教庾嶺梅相妬，漢主何曾幸山林。

哭司馬總戎王先生六首

十載胡塵老壯顏，何奴未滅敢生還。可憐廣柳車中骨，不比輜輶出漠關。

其二

塞北長驅事已非，旄頭不落將星微。三江未泛鴟皮去，萬里真同馬革歸。

其三

胡兒飲馬渡桑乾，曾見長纓繫可汗。烏盡弓藏君莫怪，漢家諸將屢登壇。

其四

司馬名高天下聞，不須麟閣更圖勳。梁鴻自託要離葬，千古吳中烈士墳。

其五

玄塚離離白馬哀，吳中弔客莫相猜。若非徐穉將芻到，定是桓榮負土來。



其六

力盡疆場意未伸，誰將功罪擬甘陳。  
今皇特下祠賢詔，高塚祁連氣象新。

答沈懋學山人二首

五鳳城南識沈郎，新詩投我意飛揚。  
羞將五色江淹筆，只博千金陸賈裝。

其二

下雉川頭雲水孤，微茫樓閣遠峯扶。  
沙邊忽掃垂綸石，絕抵關西佛界圖。

石龍池

太守臨池洗墨歸，墨花散作彩雲飛。  
石鯨欲吼潭龍起，風雨孤城掩夕輝。

夏別駕代予入

觀送之二首

朝元百辟會明堂，五色雲浮五瑞光。  
不信明珠還合浦，憑君萬里獻天王。

其二

海上論功別駕多，朝天猶自擁瑯戈。  
君王若授征南節，不必書生下尉陀。

送潘少承赴京

鳴鞭西叱五羊行，萬里遨遊五鳳城。  
海內談宗今白



首少年誰更識潘京

寄懷楊別駕時署石城

白雲為署石為城  
風起桃林作雨聲  
閉閣無眠占夜氣  
銀河倒映浦珠明

以兵事赴雷陽次化州四首

陵水郡前陵水環  
氣蒸青瘴出烏蠻  
鷓鴣啼老桄榔樹  
猶有南征客未還

其二

五月提兵向海洋  
前旌曉度石龍岡  
飛騰千騎風雲色  
不用樓船下越王

其三

十年父老厭兵聲  
炎海何時殺氣平  
但使諸酋能解甲  
海頭先築受降城

其四

龍母山前海氣昏  
馬侯祠北瘴雲屯  
書生豈有平蠻略  
萬里殷憂答至尊

送陳教授汝亭赴楚王府

甬東辛苦粵南來  
壯氣都從海上摧  
一片浮雲無處著  
隨君又過豫章臺

洞庭湖舟中別司益甫二首



洞庭秋水碧氤氳四望關山渺不分一葦中流千里  
別夕陽簫鼓淚紛紛

其二

風起平湖浪跋天蛟龍雙翼使君船飛帆瞬息華容  
道旅鴈追呼自可憐

過曹名卿憲使宅小飲二首

洞庭西盡五溪頭風雨停驂問舊遊但使五溪俱釀  
酒不妨千日為君留

其二

重逢不記別君年短髮垂垂落日前末路行藏堪自

笑岸頭虛泊問津船

送林繼暉大參赴滇南二首

金碧峯懸洱海頭大藩開在古梁州誰言職貢西南  
遠萬里褰帷是壯遊

其二

斗酒重停使者輶酣來抵掌話三朝耕荆落日傷  
心盡又向蘭津十二橋

寄遠曲二首

章臺楊柳綠如雲憶折南枝早贈君一夜東風人萬  
里可憐飛絮已紛紛



其二

海門孤鶴影蕭蕭萬里歸棲珠樹遙何事弄珠人不  
返欲鞭秦石駕飛橋

飲飛雲洞二首

飛雲洞裏雲不飛結作仙人九色衣我來醉著雲衣  
臥巖下白龍行雨歸

其二

乳液泠泠雪未消珠光散作彩霞飄靈根倒植虛無  
裏一夜春風長石苗

次澗溪與許給舍言懷二首

駐馬山城二月過澗溪花鳥奈君何分泉一洗風塵  
耳不遣夷歌混楚歌

其二

瘴柳蠻花亦自春樽前白髮故相嗔由來萬里居夷  
客竝是先朝諫獵人

雲溪洞

雲溪溪上碧雲流有客乘雲繫小舟石穴空明無一  
象旋持瑤草飯青牛

天然洞

奇峯倒作萬蓮開洞裏陰晴只浪猜罔象不驚龍正



臥寒秋夜夜吐風雷

瑞竹吟二首和孫中丞

九節離奇雙籀分含風浥露灑青雲惟應南海琅玕  
樹連理相輝似此君

其二

一片清陰朗玉壺風生鳴籀自相呼聽來羌水龍成  
匹看到崑墟鳳不孤

阿落密歌二首

鼓子花開六月寒烏丸稻熟且加餐南人新解巴渝  
曲軟管聲聲蜀道難

其二

滇人未盡蜀人過車馬如繩奈轆軻莫以相逢非故  
舊三杯同買聽夷歌

何元清別駕將赴句町夜過空申話舊二首

黔陽風雨客消魂駐馬披衣夜叩門二十五年俱一  
夢莫將華髮惱清樽

其二

碧雞東望曲江城江上諸夷盡漢兵垂老一官猶絕  
域可知銅柱亦浮名

題王右史小像二首



骨象峻嶒劍鳥孤故園風物夢中圖滄浪孺子今如在定識行吟楚大夫

其二

右史風流故不羣醉來軒冕一浮雲只今阿堵猶含笑誰道凌煙勝廣文

相見坡

相見溪頭相見坡九盤雲石九迴波登來不說羊腸坂涉去真如虻射河

安鄉閔潦四首

尋陵面面水為鄉河伯年來苦望洋三峽濤如天上落蛟龍白日鬪琴堂

其二

大鯨新漲碧氤氳秋盡三農種未分赤子漂零魚腹飽何人能訴洞庭君

其三

巴丘南望水吞天只似懷襄更九年獨有浮家人未去安鄉市裏泊漁船

其四

蕭條官閣浪痕新風雨經過獨愴神西去汨羅江已近懷沙千古淚盈巾



寫谷一見

古往今來幾度秋

巴丘南望水吞天只以對襄夷水手歸休我未

其三

曾入仙舟試武彝

大蘇詩集卷之三十一蘇軾未衣赤子黑雲魚鄭

其二

茶煙薪白日關琴堂

甌醵洞藻卷之三十三

武昌吳國倫著

始安張鳴鳳校  
新安方尚質校

七言絕句一百四十五首

鄂渚放舟達樊口二首

大別山移小別過小回江送大回波歸帆一羽東流

迅盡日天風揚棹歌

其二

黃鵠磯頭解纜還白頭浪裏過樊山膾魚沽酒且今

夕明日郵籤是故關

賦得隋堤柳二首



千里金堤遶汴流，龍舸幾日又揚州。  
春深楊柳花如雪，不管隋煬宮裏愁。

其二

汴堤官柳廣陵花，一望春光盡帝家。  
歌舞行宮猶未日，千門萬戶隱啼鴉。

哭顧季狂四首

聞君老作南中鬼，卻憶南中對榻時。  
酒癖詩魔渾未醒，哭君那得夜臺知。

其二

鄴下傳詩自謝生，詩成不忝謝生名。  
如今竝厭人間世，泉路相逢亦愴情。

其三

韋布交游俠氣深，恥將然諾易千金。  
總令身後家如洗，蹈海被裘自此心。

其四

一病沈冥萬事空，誰將孤櫬反江東。  
蔡邕王粲都無後，不朽還應藝苑同。

江寧王別館宴集

鄴下風流帝子偏，城中別館自林泉。  
栽花細遶藏書榻，面竹深開避暑筵。



清虛宮二首

青溪道士白雲居日誦元君玉字書忽有空香迎客  
至月中攜手步清虛

其二

偶來仙觀踏飛霞遙見青林已著花若道人間無月  
府門前誰駐五雲車

出山二首

飛泉出峽猛如龍萬壑聲傳送客鐘一片紫雲流不  
去當谿立作道人峯

其二

鳴璈促管應輕鞞十二黃冠出洞齊不信雲山能戀  
客前津又似武陵迷

訪劉石史不值聞有具茨之遊

馬度空桑一叩關尋真何處不曾還虛疑七聖從君  
過風雨蒼茫大隗山

贈劉元善

倉頡臺前拭彩毫垂垂玉箸走金刀侯王問字車盈  
巷只博風霜滿敝袍

其二

大弦新促小弦沈肉甲飛揚作古音鍾子亦知山水



調相如難寫鳳皇心

寄懷貞吉宗侯二首

南浦樓船載酒過廬山飛瀑倒銀河  
祇今遙夜思公子六月寒煙生薜蘿

其二

生綃七尺瑩如霜彩筆親題寄夜郎  
一片溪山雲裏出依稀坐我輞川莊

方寅初自京師下第還楚

擔囊遠度濁河濱高館秋風旅思新  
北走難逢圖駿客南還猶是敝貂人

題朱邦蕭山中葬母卷二首

宰木雲寒烏夜悲金蠶歲久不成絲  
可憐陌上逢君日猶似山中哭母時

其二

倚廬蕭瑟傍玄臺想像慈顏月下來  
欲挽潘輿泉路隔秋風三柳不勝哀

既別元善至長潭愴然憶之

一葉飄飄宦海歸石盤山色浣塵衣  
朝來悔與劉郎別却遣愁隨北鴈飛

喜入楚境

由光山入麻城凡七十二河予往返仕途蓋十涉之矣



木陵關口度巾裝回首浮雲謝  
帝鄉七十二河辛  
苦盡誰能復作問津郎

贈形家者程生二首

誰分八柱轉坤輿章步差池亥步虛  
雉水龍山纔黑  
子可容真氣結吾廬

其二

何處新傳相地經身披海嶽掌掄星  
勞君為卜容棺  
土不必重逢郭洞靈

初春六日學宮望雪

西山萬樹玉玲瓏百里煙光一望通  
凍草欲迷青帝

翬碧雲偏擁素王宮

久雨問則勸

風雨淫淫暗大荒野田無麥水湯湯窮秋  
定倚琴歌  
哭裴飯誰應問子桑

雨中園居簡汝修

繁花困雨不勝春碧蘚盈階鳥雀馴  
同巷只君如二  
仲褰裳何惜往來頻

溪上同諸客流觴醉歌四首

百日風光一瞬過計同羽王遊後凡百日矣  
重來酒伴莫憎多請  
看前度流觴處忽漫青蒲間綠荷



其二

一片浮雲覆石溪沙茸如雪水花齊臨流競取浮觴  
飲醉問桃源路已迷

其三

賓從翩翩少長同蘭亭千載更遺風狂來只怪杯行  
緩旋折青荷製碧筒

其四

平田漠漠水磷磷白石橋通九曲津四望羣山清興  
足飲中何異八仙人

得友人方子及詩卻寄二首

結髮稱詩老未工憐君獨有邛人風曼聲歌入金陵  
市六代豪華一瞬空

其二

白下詞名有二方雲林相望亦輝光千金尺牘若休  
艷妬殺當年俠客場

時新安方思善與子及並在郎署詩亦齊名

胡茂承自邛再至對雪二首

雪後曾登紀邛臺放歌還向雪中來萬山寒氣兼天  
擁不敵茅堂一酒杯

其二

日暮風高雪正狂君來但坐酒壚傍相看一夜陽春



色江上梅花樹樹芳

再哭子與六首

淮南分手迫兵聲夏口方舟何限情  
兩地白雲愁已斷獨留佳句使人驚

其二

東望淒迷天目峯三江風雨泣芙蓉  
由來玉樹沈光彩結作愁煙幾萬重

其三

客散華陽五土分詞林六子半脩文  
那知又脫延陵劍挂向徐君第四墳

其四

浦樹陰陰江霧黃見君無地哭君傷  
泉臺迴隔三江表絮酒何因遠自將

其五

六十無兒敢問天帷中朱粉夢中憐  
馮誰慣進鷓鴣膳不奪阿婆敵體專

其六

東海李生南海梁化時俱作海雲翔  
可憐孺子如宗餒鬱鬱遊魂兩異鄉

俞山人東歸



燕臺千金趙雙璧不及太湖三畝宅歸去且同麋鹿遊那能老作諸侯客

徐可源至

歲莫江天雲水寒相將何處好投竿不如且醉霜林下贈爾新栽竹籜冠

送求叔還蒲圻三首

五月煙濤五兩輕思歸重過鄂王城城頭黃鶴不知處月下猶聞玉笛聲

其二

十日樽前得句多少少年詩法奈君何憐才一遇張東

兆不忝清狂寄薜蘿

其三

蒲首山中蕨正肥江行又載錦鱗歸莫言奉母無兼味新集芙蓉當彩衣

與王衍父方仲美飲北園竹下二首

小徑新除二仲過嫵媚綠竹翳青蘿攜壺入坐濃陰裏且辟時人一放歌

其二

脩竹檀欒傍水湄客來何異集蓬池却看池上玻璃色妬殺杯中雨露姿



送王君壽還姑蘇  
年過五十困遨遊到處看山惱白頭竹下一樽傾不  
盡歸心已作片雲浮

北園同吳叔嘉瞿伯明賞牡丹  
洛苑移花冠衆芳臨池巧作漢宮妝朱顏惱殺清狂  
客日落酣眠錦石傍

小玉井紅蓮盛開同方仲美莊則勸共賞  
雨過風生玉井寒綠荷如幄倚層欄移樽坐傍紅香  
醉猶勝將軍幕裏看

園居雜詠十二首

湖上千山與萬山水雲迴合赴柴關誰將片地收奇  
勝帝遣吳郎納綬還

其二

乞得青山傍郭門白雲為社水為村行歌每逐漁郎  
後即席還推野老尊

其三

一夢蘧蘧三十年無端蕉鹿總茫然歸來旋作常醒  
計洞裏明霞竹裏泉

其四

師子岡頭三徑開竹間新構讀書臺客來問字從攜



酒醕酏無妨舉世猜

其五

匝池芳樹綠氤氳擁砌繁花五色分得醉林間俱長日那知身外有浮雲

其六

綠陰亭午覆平橋六月林深暑氣消坐裏忽驚幽籟發齟齬洞口客吹簫

其七

芙蓉新集野人裾被向山亭錦不如剪韭烹葵堪佐飲客來休厭食無魚

其八

獨有文心老未捐閒憑彩筆傲山川誰言在野君恩薄數卷殘書亦俸錢

其九

新裁綠玉繫漁竿野色偏縈紫籜冠雨後波平蘭槳滑香風片片水花寒

其十

萬樹蒼蒼隱萬家雙湖夾繞郡城斜銜杯壺嶺峯頭坐無數遠峯棲落霞

其十一



高陵門外躡飛橋萬頃波中百雉搖誰道家園門巷裏不殊松桂鎖僧寮

其十二

橫塘新柳密如雲恰是滄浪一水分莫問山川誰是主總來魚鳥亦堪羣

與黃克端

築圃新開石蘚亭君來何自識林岫淹留共飽甲家飯高枕雲間萬竹青

龍港

一線飛流挂遠山尋源莫是武夷灣灘前漁子鳴榔過石瀨磷磷響佩環

烏春江

誰道烏春減富春被裘是處好垂綸江流混混山煙合不信客星能妬人

望夫石

月寫雙蛾霧結衣望夫山上望夫歸朝雲歲歲含愁散暮雨年年作淚揮

贈樓道人二首

白衲黃冠海嶽姿乾坤不盡遠遊期飄飄訪我重巖下握手談玄卽故知



其二

四海如涔五嶽卑，懸壺遠跨白雲馳。何時息駕崑崙窟，圃與子同燃若木枝。

送陳良孺茂才還金陵應試二首

片帆東下石頭城，千里江濤一日情。怪是獨攜龍劍去，逢人無處不相驚。

其二

入楚親傳白雪歌，東歸不復聽陽阿。止須一曲逢知己，天下同聲未必多。

宿悠然樓

小閣虛窻入遠峯，古槐脩竹翠陰重。涼雲滿榻此高臥，何處風飄定後鐘。

悠然樓聞布穀

布穀聲殘雨乍收，卻餘清響到山樓。起看初日射高樹，幾處水田雲亂流。

詠西山古樹

辟暑宮開萬石間，古藤如樹樹如山。婆娑不駐吳王輦，風雨禪僧自掩關。

觀試劒石

山頭石泐雨淋漓，誰道孫郎劒術奇。鼎足未安王氣



詹番江夢 卷之三十三 十二  
盡卻留陳跡使人疑

百丈泉

回山山半藥宮懸樹杪飛流百丈牽怪是仙源神瀁  
出居人匏飲亦長年

錦雲幄

片片江雲五色飛飛來巖下錦成幃只疑二室藏丹  
處無數精光疊翠微

玄玉府

萬石輪囷萬樹中玄霜冷浸玉華宮操瓢坐挹天漿  
飲不信瓊池路不通

滴乳巖

雪乳泠泠滴未乾藥珠千葉不勝寒怪來今古無人  
跡卻有老龍巖際蟠

詠品字蓮有序

往歲乞千葉蓮於顧子承先生所種之北園  
小池得竝頭華數朶以爲奇今年忽有三花  
合跗而開觀者大奇之余考花譜蓮之重臺  
雙頭者不常有世人指以爲瑞惟宋嘉元泰  
始間一生於建康一生於豫州皆一莖兩華  
則三華更不常有可知也乃予池以竝頭爲



常且得三華如品字則應何瑞乎作品字蓮  
詩三首

千葉蓮生太華峯移根南土百靈從一莖竝吐三華  
出面面都合玉女容

其二

濁水芙蓉本異姿重臺竝蒂亦稱奇今看一萼花成  
粲何羨三珠出海時

其三

綠沼紅藻手自栽看時常抱佛書來若非蒂共禪心  
結那得花成品字開

詠雙竝頭蓮有序

昨與仲美賞品字蓮業已成詠今晨同張使  
君再至則又增一花成雙竝頭矣花神幻妙  
一至此哉使君喜而稱瑞屬再詠三詩

昨日三華共蒂抽娑娑玉女醉瓊樓不知何意爭穠  
豔一夜分為雙竝頭

其二

兩兩名姝國色同新妝無力倚東風趙家姊妹如相  
見恥畫雙蛾入漢宮

其三



翠莖天矯葉婀娜，捧出丹珠氣象多。世上合歡與連理，看來不及夜舒荷。  
東漢外國進蓮有四花，同發一莖者謂之夜舒荷。

同敬叔觀蓮二首

綠萼丹葩挺素秋，微風波上錦雲流。大堤嬌女踏歌出，一新妝勝莫愁。

其二

芙蓉的的水宮妝，無語含情喚納涼。箕坐綠陰羣籟息，一樽明月醉餘芳。

舟送行甫出富口二首

十日園亭興未涯，又乘明月上星槎。村前沽酒問江路，何處青山不是家。

其二

霜清月白野猿哀，江上寒濤捲雪回。醉裏不知君欲別，片帆飛出萬峯來。

踏雪登壺嶺與友人共酌醉歌二首

壺嶺中分北海洲，萬峯寒氣一樽收。西風片片犬花落，身世飄然彼岸遊。

其二

愛雪衝寒上碧岑，呼兒將酒莫停斟。不妨與客婆娑醉，便臥溪傍玉樹林。



酬楊使君遣人餉酒

到中移棹入隆中，幾日懸灘臥北風。  
何處白衣來送酒，萬山寒氣一時空。

雙筆峯

亭亭雙管卓空虛，點染雲霞侍帝居。  
若道玄冥無鳥史，人間何自有天書。

二蓮峯

參差天外削晴峯，花萼扶疏紫翠重。  
七十二巒俱淨土，寶光爭射兩芙蓉。

七星峯

北斗杓懸黑帝宮，千山金碧曜靈通。  
峯頭一掃浮雲盡，九野蒼茫指顧中。

中笏峯

一片中峯帝座前，分明端笏起朝天。  
羣山拱伏都鷄侶，玉筍班頭是上仙。

五老峯

曾爲傲吏謫匡山，日日酣遊五老間。  
何意重逢在天，上隔林蒼翠杳難攀。

三公峯

虛皇宮闕九重開，突兀三公進壁來。  
合有天符傳上



界常令真氣出中台

香鑪峯

何人望氣指函關卻在三公五老間只怪空香飄五色誰知天帝遠遊還

玉筍峯

天削羣峯大頂看枝枝綠玉秀成竿春風不解淇園籜萬點龍鱗白日寒

天馬峯

不見長空天馬來咆哮風雨躡雲雷自從玄武廻靈馭萬嶺盤爲戲馬臺

展旗峯

黑帝當年護北征陳前時躍九龍旌只今龍影塞千丈猶使妖魔日夜驚

丹竈峯

峯爲金鼎石爲丹萬古雲煙火候看人世九還俱浪說由來天地一泥丸

紫蓋峯

一蓋浮空擁萬靈仙壇縹緲降雲輶老夫欲跨峯雲去便謁東皇上紫庭

舟發均陽江上卽事二首



滄浪水泛鴨頭綠石色沙光蕩晴旭不見當年鼓柁  
人輕帆已落萬山曲

其二

麋子城南一水斜望中天柱轟明霞朝來已破遊仙  
夢五嶽五湖都是家

聞張助南擢御史中丞開府寧夏寄贈六首

十年戎馬護秦關數有飛書慰 聖顏萬里承恩開  
幕府提兵深入賀蘭山

其二

賀蘭山北遍羌戎只怪頻年未挂弓主帥只今文且  
武旃裘遠徙不言功

其三

黃河西繞黑山營枹鼓喧喧戰馬鳴一自登壇揮白  
羽萬山雲鳥盡天兵

其四

長驅萬馬蹠胡庭誰道文星即將星朝野新聞上邊  
事還如克國備先零

其五

青銅峽口古靈州黑水河穿紫塞流一夜羌人吹笛  
過千山明月總邊愁



其六

畏路浮沈三十年，帳頭金印老猶懸。  
子房赤手扶炎鼎，黃石陰符豈浪傳。

劉世仰文學自金陵寄薔薇百本栽之小園經

春盛開喜而成詠兼謝世仰四首

百本薔薇九色花，一春穠艷足山家。  
銜杯不共劉生賞，望望金陵日又斜。

其二

密刺柔條挂短籬，卷紅抽紫簇葳蕤。  
遶亭面面看如錦，誰道春從白下移。

其三

花滿當年六代宮，分來牛勒也春風。  
但須日日花前醉，不必詩傳鮑謝工。

其四

萬朶垂垂曲水傍，鏡中波拂美人妝。  
迎船曉挹梢頭露，不減琉餅瀉異香。

池中畜朱魚有徑尺而死者詩以弔之

錦鱗朱鬣戲新荷，噴沫時驚赤水波。  
失勢未乘雲霧去，誤疑天女擲金梭。

竹間納涼



萬竿脩竹綠雲中不羨吳王避暑宮幽鳥自來還自  
啾石牀箕踞領清風

再贈沐良

黃龍洲畔著浮槎白嶽峯頭弄紫霞來往片雲將鳥  
過不隨津水問桃花

閩門九歌

吳王臺榭水煙空千載吳州尚侈風鶴市雞陂今萬  
戶誰家不似館娃宮

其二

大賈軒軒水郭盈五方淫巧市門爭金多自挾侯王  
重縣吏那能問姓名

其三

酒船如蟻集金閩絲管紛紛遊冶郎花裏行厨驕綠  
幘柳邊歌扇倚紅妝

其四

兒郎未盡女郎過畫舫追隨盛綺羅何處相期踏歌  
好吳王洲上百花多

其五

百花爲苑酒爲城太半歌聲與笑聲三十年前海夷  
入此中麋鹿也縱橫



其六

殿閣嶙峋冠虎丘山門雜沓酒人遊醉來袒臥生公石那得當年會點頭

其七

金碧熒熒點萬杉僧房詘曲水雲自望中越女飄長袖多似吳王挂錦帆

其八

十里風瀾蕩石湖上方春色散蘼蕪蘭舟往返輕如葉不惜千金盡一呼

其九

凌晨伐鼓暮鳴箏竝作吳王宮裏聲不道吳姬歡未竟東門曾覩越人兵

卽事戲贈王衍甫四首

翠袖青蛾倚市門手持花萼眇王孫曼聲歌出章臺柳此夜何人不斷魂

其二

江樓載酒出吳姬不比紅兒與雪兒見道肉聲能勝竹調人偏唱竹枝詞

其三

館娃宮畔偶尋春花月偏然解妬人爲問風流誰得



似前身合是沈真真  
其人沈姓

其四

輕舟淥水蕩紅妝  
還似西施響屧廊  
卻怪五湖歸未  
得尚留魂夢惱王郎

章无禮明府餉予牡丹花二本舟中謾詠二首

謝之

木藥新移種不羣  
數枝穠艷忽如雲  
攜來縹緲峯前  
賞誰識河陽縣裏分

其二

名花朝自美人移  
淺碧濃丹總異姿  
百寶裝欄非所

羨天香飄處卽花師

聖壽寺禪房訪亮上人二首

城隅古刹不知年  
佛火熒熒雜市煙  
卻有高僧飛錫  
至旋分龍水植青蓮

其二

隙地新成大士家  
逢師說法散天花  
偶然留客享清  
供第一泉烹顧渚茶

傅曾二明府載酒閨門泛舟對月同諸君各賦

二首

閨門五水入溢潭  
萬戶嬋娟一鏡涵  
空外依稀仙佩



落那知飛鳥在江南

其二

海風吹月上蘇臺仙令攜空白舫來夜永潮平天籟靜吳山點點霧中開

題仲和王孫中冷館二首

楚宮雲日蔽江關別館翛然水石間只自杯中傳玉乳常如几上出金山

其二

浮玉山開第一泉何當飛灑帝孫前須臾解盡文園渴多少清風入綺絃

張禹卿遊楚一年還豫章壽其母八十贈送四

首

入楚逢人便楚歌狂來杯酒奈君何江門一夜西風動忽有歸心到薜蘿

其二

南嶽探奇興正新故山其奈倚閭人還家且獻忘憂草不減千秋植大椿

其三



黃髮慈顏燕喜開江雲故送彩衣回贈君斗水瀟湘色持作西堂介壽杯



其四

永冠名闕自洪都卻寄浮蹤遍五湖拾得蘭蘅歸奉  
母慈闈夜夜錦雲扶

寫谷一見



首

燕出喚淺發一平數新章請其君八十觀髮四



